

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gallia multis modis Lutheranizans sive de contemptu concilii Tridentini in Gallia

**Masius, Hector Gottfried
Lintrup, Søren**

[Hafn.], [1710]

§IV.

[urn:nbn:de:bsz:31-67575](https://nbn-resolving.org/urn:nbn:de:bsz:31-67575)

riendum sit. Nempe illud false ridet velut ex ignorantia profectum, & asy-
lum ignorantie illis præbens, qui linguam Hebraicam ignorant. Fateor, in-
quit, in gratiam seculi nostri dici posse, non opus esse, ut ad originalia quis
confugiat, postquam Concilium Tridentinum Versionem latinam authenti-
cam declaravit. in supplem. de ceremon. Judæor. pag. m. 135.

§. III.

Qua de re ut solide commentemur, tria potissimum pro-
baturus sum, quæ fere extra controversiam posita esse judico. (1)
In ipso Concilio Tridentino plus valuisse Episcoporum Italiae
machinationes, quam vota Episcoporum Galliae; unde nec
omnia decreta, etiam quæ de fide erant, Ecclesiae Gallicanae
placuerunt. (2) In Concilio Tridentino plurima esse definita con-
tra libertatem Ecclesiae Gallicanae. (3) Concilium Tridentinum
non nisi sero in Gallia receptum, & quidem post multas gravis-
simasque altercationes, nec nisi cum expressa limitatione: *Sal-
va libertate Ecclesiae Gallicanae.*

§. IV.

Ac primo quidem notum satis est ex historia Concilii Tri-
dentini, quam graviter in multis fidei capitibus Episcopi Gal-
liae sese opposuerint Concilii decretis. (a) Nam & matrimoni-
um clericis permissum esse volebant, & restitutionem calicis
vehementer urgebant, de purgatorio autem in utramque par-
tem loquebantur; sed numero impares & pluralitate votorum
victi non nisi ægro animo domum recesserunt. Cum ex Gal-
lia non essent nisi viginti duo Episcopi, ex sola Italia centum
octoginta septem interfuerunt; qua de re Scriptores Galliae plu-
res conquesti sunt. (b)

(a) Videatur omnino Sleidan. lib. 22. P. Svaris Histor. Conc. Trident. lib.
8., Prolixe istam rem persecutus fuerat Thuanus, ipsa rei gesta acta in libris
suis commemorans. Sed quæ est Jesuitarum astutia, in prima Thuanus editio-
ne aliisque sequentibus nonnullis reserata fuerunt. Nuper autem ea Johannes
Henricus Heideggerus in MSptis & editione Aurelianaensi eruta Anatomia sua
Concilii Tridentini inseruit, nec dubito quin eadem acta in Thuanus restituta,
in Belgio edito, mihi autem nondum viso, integra reperiantur. Varias pro-